

Na osnovu člana 72. Zakona o javnim nabavkama BiH ( Sl.glasnik BiH 39/14 ) a nakon provedenog Otvorenog postupka za nabavke robe: „ Peciva od brašna LOT 1912 “, sa sukcesivnom isporukom za potrebe, KJKP GRADSKI SAOBRAĆAJ D.O.O. SARAJEVO, zaključuje se:

**OKVIRNI SPORAZUM  
O NABAVCI ROBE: „ Peciva od brašna LOT 1912 “**

Između:

1. KJKP GRADSKI SAOBRAĆAJ D.O.O. SARAJEVO, ul. Srđana Aleksića br.1, koga zastupa V.D.Generalni direktor mr. sci. Almir Ahmatspahić , s jedne strane /u daljem tekstu: Ugovorni organ /
2. VINOJUG d.o.o.Sarajevo, Igmanska 2-4, Reg.br.65-01-1004-12( stari broj I-15532;) ID BR. 4200368260006, PDV BR. 200368260006, TR.RN.BR 1602000000452237 kod Vakufske banke D.D., koga zastupa Resić Elvira-direktor , s druge strane u daljem tekstu Dobavljač.

Član 1.

Ovim Okvirnim sporazumom ugovorene strane regulišu okvirna pitanja vezana za realizaciju nabavke robe: „ Peciva od brašna LOT 1912 “ .

Član 2.

Predmet ovog Okvirnog Sporazuma je sukcesivna nabavka robe: „ Peciva od brašna LOT 1912 “ od dobavljača , kojem je dodjeljen Okvirni sporazum Odlukom Ugovornog organa o izboru najpovoljnijeg ponuđača broj 04/357 od 24.9.2020 god., a koji je proveden po Otvorenom postupku objavljen na Portalu javnih nabavki dana 11.8.2020 godine .

Član 3.

( 1 ) Dobavljač se obavezuje da će Ugovornom organu isporučiti robu iz člana 1 ovog Sporazuma, pod uslovima i jediničnoj cijeni kao što je naznačeno u Aneksu 3 – Tehnički podaci i elementi ponude koji je u prilogu ovog Sporazuma i čini njegov sastavni dio.

( 2 ) Vrijednost nabavke robe po ovom Sporazumu iznosi: **9.360,00 KM** bez PDV-a, odnosno **10.951,20 KM** sa PDV-om za period od jedne godine.

( 3 ) Način i uslovi plaćanja: 60 dana od dana isporuke robe.

Član 4.

( 1 ) Količine navedene u prilogu ovog Sporazuma nisu obavezujuće za Ugovorni organ, tako da isti zadržava pravo na promjenu količine i nabavku samo onih količina koje su mu potrebne.

( 2 ) Okvirni sporazum se zaključuje na period od jedne godine od potpisivanja Okvirnog sporazuma, odnosno maksimalne finansijske vrijednosti okvirnog sporazuma navedene u članu 3. stav ( 2 ) sporazuma.

Član 5.

( 1 ) Dobavljač se obavezuje da će robu isporučiti Ugovornom organu fco skladište ugovornog organa u roku 24 sata od prijema pismenog zahtjeva za isporuku.

( 2 ) Dobavljač će isporučivati a Ugovorni organ preuzimati ugovorenu robu prema dispoziciji Ugovornog organa, a na temelju narudžbenice za određenu vrstu i količinu robe.

Član 6.

( 1 ) Kvalitet robe mora odgovarati važećim propisima o kvalitetu robe u BiH.

( 2 ) Dobavljač daje garanciju za isporučenu robu prema deklaraciji proizvođača .

( 3 ) Kvalitativni i kvantitativni prijem robe iz ovog sporazuma Ugovorni organ se obavezuje obaviti odmah po prijemu i istovaru robe. U slučaju da Ugovorni organ pri prijemu robe utvrdi da roba na bilo koji način ne zadovoljava, istu će odmah vratiti i tražiti isporuku nove u najkraćem mogućem roku.

U slučaju da Ugovorni organ naknadno utvrdi razliku u isporučenoj količini ili da kvaliteta ne odgovara Ugovorni organ će sačiniti komisijski zapisnik kojeg će najkasnije u roku od tri dana dostaviti dobavljaču radi otklanjanja uočenog nedostatka. Dobavljač se obavezuje da otkloni uočeni nedostatak u roku od tri dana po prijemu zapisnika.

Član 7.

Na osnovu ovog okvirnog sporazuma ugovorne strane će zaključiti pojedinačne ugovore kojima će se bliže regulisati prava i obaveze za realizaciju ovog okvirnog sporazuma. Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi. Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe zakona o obligacionim odnosima.

Član 8.

( 1 ) Dobavljač je obavezan, prilikom potpisivanja ugovora dostaviti bezuslovnu bankarsku garanciju naplativu na prvi poziv u iznosu od 10 % od ugovorene vrijednosti ugovora sa rokom važnosti od dana zaključivanja ugovora do isteka važenja ugovora + 30 dana .

( 2 ) Ukoliko Dobavljač, u vrijeme potpisivanja ugovora a najkasnije u roku od 10 dana od dana potpisivanja, ne dostavi bezuslovnu bankarsku garanciju iz stava ( 1. ) ovog člana, a Sporazum se potpiše, primjenjivat će se odredbe člana 125 Zakona o obligacionim odnosima.

Član 9.

U okviru perioda važenja ovog Okvirnog sporazuma koji je naveden u članu 4. za pojedinačne nabavke neće se primjenjivati odredbe propisa kojima se uređuje postupak javne nabavke.

Član 10.

Cijene iz ovog Sporazuma su nepromjenjive u toku važenja sporazuma. Prema Izjavi dobavljača, Izjava je sastavni dio tenderske dokumentacije .

Član 11.

Odredbe ovog Okvirnog sporazuma ne mogu se mijenjati nakon njegovog zaključenja.

Član 12.

Ovaj Okvirni sporazum stupa na snagu nakon potpisivanja od strane ugovornih strana. Ukoliko Dobavljač ne ispuni uslov vezan za garanciju za dobro izvršenje posla u roku regulisanom u članu 8. Sporazuma smatrat će se da ovaj sporazum nije ni zaključen.

Član 13.

Sve eventualne sporove ugovorne strane će rješavati mirnim putem a ukoliko to nije moguće za rješavanje spora nadležan je Općinski sud u Sarajevu.

Član 14.

Ovaj okvirni sporazum je sačinjen u /4/ primjerka, od kojih ugovorni organ zadržava tri /3/, a dobavljač /1/ primjerak .

ZA UGOVORNI ORGAN  
V.D.GENERALNI DIREKTOR  
  
mr. sci. Almir Ahmatspahić

ZA DOBAVLJAČA

DIREKTOR

  
Resić Elvira



Broj: 282-11/2020

Datum: 17.11.2020

Broj: 15420

Datum: 16.11.2020

